

# FVRIEVSE

no. 2

## DEFFAICTE DES

troupes du Duc de Rohan pres  
la ville de Montauban.

*Par l'Armee du Roy commandee par Monsieur  
le Duc d'Espernon, le 28. Septembre 1625.*

Ensemble ce qui s'est nouuellement passé en-  
tre les habitans de Montauban. Sçauoir de  
tous les rebelles circonuoisins, qui ont en  
mené leurs femmes enfans, & tous leurs  
moyens les plus liquide. Et comme il est ar-  
riué vne grande sedition entre les nouveaux  
venus, & de ceux de laditte ville, qui à duré  
l'espace deux iours. Et de tout se qui cest  
passé en la Comté de Foix.



ALTON,

Chez CLAUDE ARMAND dit ALPHONSE,  
en la grand ruë de l'hospital, à l'En-  
seigne des trois Roys.

M. DC XXV.

AVEC PERMISSION.

7  
E. T. H. V. E.

RECEIVED  
OF THE  
TREASURY

FOR THE  
SALARY OF  
THE

SECRETARY  
OF THE  
TREASURY


FOR THE  
MONTH OF  
JANUARY

1862

AMOUNT  
PAID  
TO THE

SECRETARY  
OF THE  
TREASURY

FOR THE  
MONTH OF  
JANUARY



*LA FVRIEVSE DEFFAICTE  
des troupes du Duc de Rohan,  
pres de la ville de Montauban.*

**P** Ous ceux de la Religion pre-  
tenduë Reformee qui estoient  
demeurans par tous les enui-  
rons de la ville de Montau-  
ban, pour plus facilement continuer  
en leur rebellion, se seroient retirez  
auec leurs femmes & familles, portant  
auec eux la plus grande partie de leurs  
biens & petites commoditez.

Ce ramas a apporté iusques à pre-  
sent quelques commoditez à ceux qui  
sont renfermez dans ladite ville, d'au-  
tant que toutes les prouisions sont mi-  
ses dans le magazin commun, & ne se



faict point la distribution du viure qu'une fois la semaine ou les choses sont partagees à vn chacun selon la quantité de personnes qui sont en vn mesnage, desquelles toute ladicte semaine l'on fait des memoires.

Quelques vns ne pouuant plus partir dauantage, notamment ceux qui auoient porté quantité de prouisions dans ladicte ville, lesquels comme les autres ont esté mises dans ledit Magazin, se trouuant à la distribution des viures, voulurent que l'on leur augmentast leur ordinaire, ce que ne leur voulurent accorder les maistres Gouverneurs dudit Magazin.

Sur ce refus, il arriua de la rumeur entre lesdits Maistre Gouverneurs, & vne partie des plus notables, qui remonstroient la quantité de prouisiō qui de leur part auoient esté mises dans ledit magazin, & qu'à ce subiect il y auoit apparence qu'ils fussent plus fourni

que beaucoup d'autres qui n'y auoient rien apporté, si bien que la colere surmontant quelques vns ils se ruerēt sur deux desdits maistres gouuerneurs qui furent à la chaude tuez par les malcontens.

En cette sedition le menu peuple se rangea du costé desdits Maistres gouuerneurs, soustenant que veu la necessité en laquelle ils estoient & hors d'esperance de pouuoir receuoir dans ladite ville aucune prouision, à cause du blocquement qui estoit en toutes les aduenues de ladite ville, qu'il ne deuoit point y auoir de preference, & telles allegations de part & d'autre furent fort soustenues, & cette opinia estre apportée vne si grande diuision, que la plus grande partie des habitans firent vn complot, les vns de forcer lesdits magazins & prendre ce que bon leur sembleroit, les autres de plustost y mettre le feu que d'endurer qu'il y eust au-

eune preference parmy eux.

En ce tumulte les chefs qui ont commandement dans ladite ville, furent bien empeschez pour appaiser qu'il n'en arriuaſt de l'accident, mais ils ne peurent ſi bien faire qu'il n'arriuaſt de la batterie, où il fut tué quarante & quatre habitans.

D'autre part les femmes au lieu d'appaiser les noiſes, firent plus de rumeur que les hommes, car elles ſeruèrent d'une ſi grande fureur les vnes contre les autres que pour tous les empeschemens que les chefs peurent faire ils ne ſceurent empeschier qu'il n'y euſt bien du meurdre.

Cette rumeur dura l'eſpace de deux iours, & n'eut eſté la crainte qu'ils ont eu que pendât leur diuiſion, les troupes du Roy qui ſont deuant ladite ville ne les ſurpriſſent, & cette ſeule apprehenſion a fait qu'ils ſont vn peu pacifiez les vns avec les autres, non toute-



fois sans qu'il n'y aye encore quelque leuain d'animosité.

Quatre iours apres, vne partie des habitans de la ville de Montauban & vne partie des troupes que le Duc de Rohan a mises dans ladite ville, firent vn complot de faire vne sortie de nuit & aller enleuer quantité de grains que nos gens ont reserrez dans vne ferme qui est à vn lieu de Montauban qui n'est gardee que par des goujats.

De cette entreprise, le sieur de la Martiniere (qui commande à vne partie des troupes de sa Majesté sous la conduite de M<sup>seigneur</sup> le Duc d'Esp<sup>ernon</sup>) eust aduis par le moyen d'un certain habitant qui au sujet de la rumeur estoit sorty de ladite ville mal-content : Le dit sieur de la Martiniere ne perd point l'occasion & donna promptement ordre de dresser des embuscades pour attraper nos rebelles, il fait donc aller ces Mousquetaires dans la ferme où l'on

*122.*

deuoit aller enleuer les grains , & leur fit on deffence de ne faire aucune apparence que premieremēt ils n'eussent commandement, outre cela il met encore deux cens autres mousquetaires en trois autres fermes qui estoient proches les vnes des autres, & toutes icelles troupes se rengerēt si biē que les rebelles ne les peurēt iamais descourir.

Les habitans de Montauban avec vne partie des troupes du Duc de Rohan ne manquerēt de sortir le 19. de Septembre sur les vnze heures de nuit pour executer leur entreprise , ne se doubant point des embuscades qui leur estoient dressees: Ils arriuerēt dōc au lieu où ils esperoient faire butin, qui du premier coup leur fut deffendu par quelques trēte à quarante de nos goudjats, les rebelles estimans qu'il n'y auoit pas dauātage de deffēce que de ce qui s'apparoissoit à eux, entourerent ladite ferme tirant viuement sur lesdits goudjats



jats. Mais ils furent bien estonnez quand ils virent pleuvoir les balles sur eux comme gresle, & encore dauantage lors que les soldats qui estoient referrez dans les autres fermes proches les vinrent renfermer & les chargerent d'une telle façon que de la premiere attaque ils en tuèrent plus de cent cinquante, le reste prenant la fuite furent si viuement poursuivis & leur tailla-on de si rudes croupières qu'ils n'auoient pas enuie de retourner pour transporter le butin qu'ils esperoient faire, en cette poursuite il en demeura encore soixante, & n'eust esté la crainte que nos gens eurent que ceux de Montauban ne fissent des sorties, estans proches de la ville, ils couroient risque de n'en retourner aucun de toute la troupe.

Cette deffaite a augmenté la diuision entre lesdits habitans, de telle sorte que nous n'attendons que l'heure que l'on nous vienne dire qu'ils se sont tous massacrez les vns les autres, bien que les chefs apportent tout ce qui leur est possible pour appaiser cette rumeur populaire,

craignant qu'il ne leur arriue pire.

Toutes ces choses n'arriuerēt que pour faire clairement voir aux rebelles, que Dieu ne permet iamais que leurs desseins reüssissent & que c'est derechef vne pure folie que d'esperer auoir du bon, continuant leur rebellion.

C'est pourquoy, ô bons François, qui iournellement tesmoignez à vostre Roy la fidelle obeyssance que vous deuez à sa Majeste, assurez vous que les Anges vous cognoissans d'une si sainte volonté & resolution, ne vous abandonneront iamais en vn si iuste dessein. Ils conduiront vos armes comme ils ont fait autresfois celles de Debora, pour retirer le peuple Hebreu de la seruitude de Pharaon.

Monsieur le Marechal de Themines ne manque pas de faire sentir aux rebelles de la Comté de Foix le salaire que la Iustice doit à leur Rebellion. Nous auons sceu que le douziesme du present mois, le sieur de la Guignardiere, Capitaine de l'une des compagnies de son Regiment, fit rencontre de cent cinquante hommes  
nouuel

nouvellement leuez dans les Seuennes, lesquels voulant forcer l'une de nos baricades, furent furieusement soustenus de telle sorte qu'ils furent tous taillez en pieces.

En cette deffaitte est demeuré soixante rebelles sur la place, quatre chariots de bagage, furent mis au pillage que l'on estime valoir plus de soixante mil liures.

Poursuiuant les courses dans ladiète Comté de Foix, il ne se passe iour que Dieu ne fasse prosperer les armes du Roy, lesquelles sont tellement soustenues par ce grand Dieu, que toutes les forces de tous les rebelles n'osent esclatter à la lueur des nostres.

Nous esperons que dans peu de temps le Roy dominera tous ceux qui iusques à present ont esté opiniastres à l'obeïssance qu'ils doiuent à sa Majesté, car il faut infailliblement que tost ou tard ils crient mercy de toutes les offences qu'ils ont commises contre l'Estat.

La rebellion des Seuennes commençent à se diminuer de plus en plus, & la



prouince ne veut plus se desgarnir de leurs gens, d'autant qu'ils ont perdu depuis le commencement des troubles iusques à present plus de douze mille hommes, sans le deffray que ladite Prouince a faite, qui se monte encore à plus de deux cens mille liures, ce que toutesfois l'on ne doit croire, à cause que le pays n'est bastant pource faire, & aussi que ce sont gens qui ne sont portez qu'au mal & à la pillerie, & c'est tout le sujet qui les fait aymer les troubles & les diuisions, sans lesquelles (comme vne partie des Allemans) ne peuvent viure.

Voila tout ce qui s'est passé iusques à present de nouveau tant des costez de Montauban, que Albigeois, & pour ce que nous estimons que vous aurez en bref des nouuelles du costé de Monsieur le Duc de Rohan, lequel bat continuellement la campagne avec son Camp volant, que l'on estime estre 6. mil. hommes tant de pied que de cheual.

Dieu, comme iuste Iuge ne laisse iamais les crimes impunis, & chastie tost

ou

ou tard les peruers notammēt ceux qui se bandent contre l'autorité du Roy, & qui sont refractaires à l'obeyſſance que tous legitimement ils doiuent à ſa Majeſté, de telle deſobeyſſance la Juſtice diuine fait paroître ces effets.

Ordinairement il prend à ceux qui ſe veulent oppoſer & ſe contrecarrer aux forces de leurs Princes, comme à ces Grands qui temerairement voulurēt s'attaquer aux Dieux, & pour leur temerité Iupiter les eſcraſa de ſon foudre : Icare pour auoir eſté ſi ambitieux de vouloir monter fort haut pour de plus pres contempler le Soleil, luy qui n'auoit que des aiſles de cire, penſoit venir about de ſon ſolaſtre deſſein, & fut incontinent fruſtré, d'autant que les rayons du Soleil dardèrent ſi viuement ſur luy que ſes aiſles n'eſtant que d'une matiere molle & ſujette à ſe fondre, fit que le pauvre miſerable tomba & ſe rua tout roide : Phaëton lequel eſtoit tout bouffy d'orgueil & d'ambition pour auoir la vanité de conduire le Char d'Apollon ſon pere, n'ayant les forces

ces de pouuoir gouuerner les cheuaux  
qui d'une viffesse paffoient depuis vn Po-  
le iufques à l'autre par deffus les douze fi-  
gnes, fe voyans eftre dominez par vn iou-  
uenceau qui n'auoit la capacité d'un tel  
gouuernement, n'ayant d'autre parr ac-  
couftumé de ce faire, firent vne boutade  
depuis les Cieux iufqu'en la terre, de telle  
forte que le pauvre Phaëton, fon char &  
fes cheuaux perirent d'une eſtrange fa-  
çon, outre encore le grand mal qu'appor-  
ta ce tresbuchement, car toute la terre &  
& les fruiſts qui eſtoient ſur icelle furent  
brullez & grezillez par le Soleil.

Appanus ſe voyant le petit mignon d'A-  
lexandre le Grand, fut tellement remply  
d'ambition, qu'un iour il fut ſi temeraire  
ſe trouuant au leuer d'Alexandre, de luy  
demander vn don, lequel il ne luy vouloit  
declarer que premierement il ne ſçeuſt  
de ſa grandeur ſi elle luy octroyeroit: Ale-  
xandre luy promit de ne le refuſer de cho-  
ſe quelconque, & qu'aſſeurément il de-  
mandast ce qu'il voudroit & luy ſeroit ac-  
cordé, Sur cette promeſſe Appanus ſup-  
plia



plia Alexandre de luy permettre vn iour  
seulement de tenir le rang de Roy. &  
d'Empereur, & qu'après cela il fist de luy  
ce que bon luy sembleroit: Sur ceste folle  
demande Alexandre entra en collere  
contre Appanus, & commanda que l'on  
luy mist les fers aux pieds & mains, &  
que l'on le fist mourir miserable entre  
quatre murailles, ce qui fut executé.

Voila quels ont esté les fallaires de ceux  
à qui l'orgueil & l'ambition ont emporté,  
& deuiens comme bons François tous  
souhaitter que ceux qui sont ainsi remplis  
d'ambition, & qui sont si teméraires que  
de secouer le ioug à l'obeyssance qu'ils  
doient à nostre Roy, fussent chastiez de  
semblable monnoye que les nommez cy-  
dessus ou bien comme ceux desquels en  
peu de mots ie desire parler pour mon-  
strer que trop veritablement les rebelles  
ne demeurent iamais impunis.

F I N.

*1717.*

Consentement du Procureur du Roy.


**I**E n'empesche que la Furieuse deffaitte de  
Monsieur de Rohan, soit imprimé par  
Claude Amand, dit Alphonse, avec deffen-  
ces en tel cas requises, fait ce 8. Octobre 1625.

P V. G. E. T. V.


PERMISSION.

**P**ermis audit Armand d'imprimer la  
Furieuse deffaitte, fait ce 8. Octobre  
1625.


DE CHAPONAY.







ray.





# Deffaite

De la Cavalerie de Montauban  
Conduite par le Capitaine Signaux,  
par la cornette de feu Monsieur le  
duc de Mayenne, le vingtisme mars  
(1623).

Pièce rarissime, et que je crois  
unique, rapportant la mort du  
brave Capitaine Signaux, l'un  
des défenseurs de Montauban.  
Malheureusement, le titre manque.  
(8 pages).

Ex meis Schedis, Ch. Barry.

